

Երեքշաբթի, հուլիսի 18, 2017թ.

**Խնդիր 1:**  $a_0 > 1$  կամայական բնական թվի համար սահմանենք  $a_0, a_1, a_2, \dots$  հաջորդականությունը հետևյալ ձևով.

$$a_{n+1} = \begin{cases} \sqrt{a_n}, & \text{եթե } \sqrt{a_n} - n \text{ ամբողջ թիվ է,} \\ a_n + 3, & \text{հակառակ դեպքում,} \end{cases}$$

կամայական  $n \geq 0$  դեպքում:

Գտեք  $a_0$ -ի բոլոր արժեքները, որոնցից յուրաքանչյուրի համար գոյություն ունի  $A$  թիվ այնպես, որ  $a_n = A$ -ն տեղի ունենա  $n$ -ի անվերջ շատ արժեքների դեպքում:

**Խնդիր 2:** Դիցուք  $\mathbb{R}$  -ը բոլոր իրական թվերի բազմությունն է: Գտեք բոլոր  $f: \mathbb{R} \rightarrow \mathbb{R}$  ֆունկցիաները այնպես, որ բոլոր իրական  $x$  և  $y$  թվերի համար տեղի ունենա

$$f(f(x)f(y)) + f(x+y) = f(xy)$$

հավասարությունը:

**Խնդիր 3:** Որսորդը և անտեսանելի ճագարը հարթության մեջ խաղում են հետևյալ խաղը: Ճագարի մեկնարկային  $A_0$  կետը և որսորդի մեկնարկային  $B_0$  կետը համընկնում են:

Դիցուք  $n-1$  փուլերից հետո ճագարը գտնվում է  $A_{n-1}$  կետում, իսկ որսորդը՝  $B_{n-1}$  կետում:

Այդ դեպքում խաղի  $n$ -րդ փուլում հերթագայությամբ կատարվում են հետևյալ երեք գործողությունները.

(i) Ճագարը մնալով անտեսանելի տեղաշարժվում է այնպիսի  $A_n$  կետ, որ  $A_{n-1}$  և  $A_n$  կետերի հեռավորությունը հավասար է ուղիղ 1:

(ii) Հետևող սարքը որսորդին հաղորդում է ինչ-որ  $P_n$  կետ: Ընդ որում հետևող սարքը երաշխավորում է միայն այն, որ  $P_n$  և  $A_n$  կետերի հեռավորությունը չի գերազանցում 1-ը:

(iii) Որսորդը մնալով տեսանելի, տեղաշարժվում է  $B_n$  կետը այնպես, որ  $B_{n-1}$  և  $B_n$  կետերի հեռավորությունը հավասար է ուղիղ 1:

Կարո՞ղ է արդյոք որսորդը, ճագարի կամայական տեղաշարժերի դեպքում և, որից հետո հետևող սարքի հաղորդած կամայական կետի դեպքում, ընտրել իր տեղաշարժերը այնպես, որ  $10^9$  փուլերից հետո կարողանա երաշխավորել, որ իր և ճագարի հեռավորությունը չի գերազանցի 100-ը:

Language: Armenian

Աշխատաժամանակը՝ 4 ժամ 30 րոպե  
Յուրաքանչյուր խնդիր գնահատվում է 7 միավոր

Չորեքշաբթի, հուլիսի 19, 2017թ.

**Խնդիր 4:** Դիցուք  $R$ -ը և  $S$ -ը  $\Omega$  շրջանագծի իրարից տարբեր կետեր են այնպես, որ  $RS$ -ը տրամագիծ չէ: Դիցուք  $\ell$  ուղիղը շոշափում է  $\Omega$  շրջանագիծը  $R$  կետում:  $T$  կետը վերցրել են այնպես, որ  $S$ -ը  $RT$  հատվածի միջնակետն է:  $J$  կետը վերցրել են  $\Omega$ -ի  $RS$  փոքր աղեղի վրա այնպես, որ  $JST$  եռանկյան արտագծած  $\Gamma$  շրջանագիծը հատում է  $\ell$  ուղիղը իրարից տարբեր երկու կետում: Դիցուք  $A$ -ն  $R$ -ին ավելի մոտ գտնվող  $\Gamma$ -ի և  $\ell$ -ի ընդհանուր կետն է:  $AJ$  ուղիղը երկրորդ անգամ հատում  $\Omega$ -ն  $K$  կետում: Ապացուցեք, որ  $KT$  ուղիղը շոշափում է  $\Gamma$  շրջանագիծը:

**Խնդիր 5:** Տրված է  $N \geq 2$  ամբողջ թիվը:  $N(N+1)$  ֆուտբոլիստներից բաղկացած թիմը, որոնցից կամայական երկուսը տարբեր հասակի են կանգնած են շարքով: Մարզիչը ցանկանում է շարքից հեռացնել  $N(N-1)$  ֆուտբոլիստ այնպես, որ շարքում մնացած  $2N$  ֆուտբոլիստների համար տեղի ունենան հետևյալ պայմանները.

(1) երկու ամենաբարձրահասակ ֆուտբոլիստների միջև ոչ ոք կանգնած չի:

(2) ըստ հասակի երրորդ և չորրորդ ֆուտբոլիստների միջև ոչ ոք կանգնած չի:

:

( $N$ ) երկու ամենացածրահասակ ֆուտբոլիստների միջև ոչ ոք կանգնած չի:

Ապացուցեք, որ դա միշտ հնարավոր է:

**Խնդիր 6:** Ամբողջ թվերի կարգավորված  $(x, y)$  զույգը կանվանենք հասարակ կետ, եթե  $x$  և  $y$  թվերի ամենամեծ ընդհանուր բաժանարարը հավասար է 1: Տրված է հասարակ կետերի  $S$  վերջավոր բազմությունը: Ապացուցեք, որ գոյություն ունի  $n$  բնական և  $a_0, a_1, \dots, a_n$  ամբողջ թվեր այնպես, որ  $S$ -ին պատկանող յուրաքանչյուր  $(x, y)$  հասարակ կետի համար տեղի ունի

$$a_0 x^n + a_1 x^{n-1} y + a_2 x^{n-2} y^2 + \dots + a_{n-1} x y^{n-1} + a_n y^n = 1$$

հավասարությունը: